

SANITÉ: La doturia **Grete Mahlknecht** é demez en lönesc, ai 8 de merz. Ara vëgn sostituida dala doturia Mattioni, handy 328 85 90 842, che á l'orar d'ambulatorio en lönesc dales 15.00 ales 17.00 a La Ila.

COMUN: Aldiënza dla **defensuria zivica** en vëndres, ai 12 de merz, dales 14.00 ales 17.00, tla ciasa de Comun a San Martin, ma sön prenotaziun por telefon 0471 946 020.

COVID 19 - Mosöres por afrunté l'emergënza alimentara cun bons da jí a cumpré ite: cina ai 12 de forá 2021 pó porsones, che é rovades te dificoltés por gauja dl'emergënza COVID-19, presenté te Comun domanda da ciáfé **bons da jí a cumpré** ite alimentars te valgönes boteghes sön le teritore de nosc Comun. I criters plü avisa (condiziuns y mosöra di bons) é da ciáfé sön la plata internet dl Comun sot ala seziun news.

PLOANIES SAN MARTIN Y LUNGIARÜ

En chësc ann, che le Papa á dediché a Sant Ojöp, podessun s'arjigné ca a süa festa, ai 19 de merz, cun na novëna, dijon chësta o d'atres oraziuns

I te venerun, Sant Ojöp!

Idî t'á chirí fora sciöche pere nudridú de so Fi. Tö n'as nia lascé Maria, mo te l'as tuta pro te. T'es jü cun ëra a Betlehem y t'ës l'apró canch'al é nasciü le Messia.

T'as metü Maria y Gejú al sigü dan da Erode. Do che t'es gnü indô te túa cité, aste fistidié por ëi, y Gejú te stô sotmetü, al ti gnô dit "Fi dl zumpradü".

Oh Sant Ojöp, che t'es sté n ël iüst y fedel, deïdesse tles dificoltés ch'i messun afrunté. Stái dlungia ai amará, a chi che laora ti sorvisc sanitar y soziai, ai artejans y a düc chi che chir n laur y á pordü la fontana de davagn. Dái dignité al laur de döta la jënt. Dëida les families che é metüdes ala proa por gauja dles restriziuns de chësc tēmp. Sant Ojöp, prëia por nos. Amen.

SAN MARTIN

Por l'ann 2021 Ves periunse indô dër bel da paié ite cina la fin de merz le **contribut por la cöra** de 40,00 € por vigni porsona che á complí 18 agn (tuc fora studënc/tes) söl cunt dla cöra: IBAN IT 11 J 08010 58830 000304004922. L decunt dl'ann passé gnaré publiché pornanch'ara vá.

siur Ploan a inom dl Consëi d'aministrazion.

LUNGIARÜ

La Uniun di Jogn da Lungiarü inviëia döta la comunité da tó pert y da se devertí fajon **cërtli tla nëi** sön dötes les sperses dla val da Lungiarü curides de nëi. Ara se trata de n evënt che moscëda adöm na ativité sana alaleria cun na buna fantasia y creativité. Le fin é chël de fá dessëgns tla nëi pestan jö la nëi. Vignun po spo ortié na fotografia al nr. 347 99 22 834. I dessëgns gnará spo publicá söi social y alado di "like" ciafará l'artist na scincunda. Le regolamënt, sciöche ince les fotografies di cërtli tla nëi y düc i ajornamënc sará da ciáfé sön la plata internet www.lungiaru.it



Plata dles Ploanies San Martin y Lungiarü

siur ploan Klaus Sottas 344 15 54 055 - ksottas@rolmail.net
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

07.03. - 14.03.21 nr. 15

3ª DOMÈNIA DE CARSÈMA - B

Vangele do Jan 2,13-25

Tl tēmpl â Gejú urté i sciacri de armënc, bises y colombes y i ingiamiadus de scioldi, che ê sentà dailò. Do ch'al â fat na scoriada de cordes i âl parè düc fora dl tēmpl adöm cun les bises y i armënc; i scioldi di ingiamiadus âl juté fora, y sües mësés âl rosedè sotissura. Ai sciacri dales colombes ti âl dit: Jide cun chësc, ne stede a fà fora dla ciasa de mi Pere n salf da marcé. Sü discepui se recordâ dla parora dla Scritöra: La pasciun por mia ciasa me consumëia. Sön chësta l'â i iüdes tut a cunt: Cî sēgn nes lāsceste pa odëi por desmostré che te pos fà chësc? Gejú ti â respognü: Tirede jö chësc tēmpl, te trëi dis le fajarài indô sô.




Olá nes vëgn pa Chël Bel Dî adincuntra? (da image)

Por Gejú y por i iüdes da laota é chësc tler: tl tēmpl de Ierusalem. Porchël él falé, sc'al vëgn sciacaré dailò, sce i afars cunta deplü co l'oraziun, y sc'al ne resta plü püch y nia dla dignité dla ciasa de Dî. Y chësta impresciun á Gejú; al brancia ite zënza ne sconé degügn.

Podô pa Gejú s'astilë insciö? Le vangelist Jan ti dá dërt. Gejú nes mostra n tru nü y na manira nöia da incunté Chël Bel Dî. D'un n vers tl tēmpl maiestus y venerabl, dl ater vers te ël, che é tru, verité y vita. La desfarënzia danter un y l'ater por incunté Idî ne sciafiass nia da ester maiü.

Chëstes desfarënzies resta ince por nos incö: Un incunta Chël Bel Dî tl chît, daite dai mürs de dljia, l'ater l'ürta tles porsones ch'al incunta, n'ater tl cajin dla vita da vigni de. Coch'ara sides: Chël Bel Dî ó gní chirí, sides te dljia co defora, sides tla contemplaziun de Gejú, de süa vita y süa parora co tl müs dla jënt.

EDEMA	SAN MARTIN	LUNGIARÜ	
07.03.2021 3ª DOMËNIA DE CARSËMA - B <i>Domënia dla solidaritè</i> <i>Oferta Patronat ACLI/KVW</i>	9.00 Corona por vocaziuns 9.30 Gran Mëssa por la Comunitè <i>(cun siur Klaus)</i> por les families Chizzali, Vësco ++ degan Bruno Majoni y Angela Prousch ++ Sepl y Silvia Rives Zingerle <i>Oferta por le Patronat ACLI/KVW</i>	7.55 Les Staziuns 8.15 Gran Mëssa por la Comunitè <i>(cun siur Klaus)</i> <i>Oferta por le Patronat ACLI/KVW</i>	 Dan 1700 agn á l'imparadú roman Constantin le Gran detlaré la domënia sciöche santú Por le Testamënt Vedl é le De dl Signur le de dl recort dla liberaziun di israelic dala stlavitú dl Egit. I cristians é jüs inant cun chësc pinsier y vëiga tla ressozeziun de Gejú la liberaziun dla jënt dal mal y dala mort. I festejun la domënia sciöche pröm de dl'edema olache Gejú é ressorí dai morc. Insciö é la domënia por nos na festa pascala ch'i tignun vigni edema. Do che Gejú é ressorí, ti ál impormetü a sü discepui "I sun pro os düc i dis cina ala fin dl monn" (<i>Matí 28,20</i>). Sce la domënia é le de dla ressozeziun spo ne recordunse nia n evënt che é passé mo i festejun dantadöt la presënza via de Gejú inanter i sü. Insciö é la domënia diventada de dla Dlijia. Degun ater de n'é tan important por la vita dla comunitè cristiana co l'indunada dla domënia olache la comunitè s'abina incër la mësa dla parora y dl pan. É pa la domënia buna da se mantigní? Scé, sce nos cristians la mantignun! Ara á ma na poscibilitè: sc'ara se salva so carater cristian, sc'i la festejun, la tignun y ti dun la forma de comunitè cristiana. <i>dal Sonntagsblatt</i>
08.03.21 Lönesc <i>Jan de Dî, Michil</i>			
09.03.21 Dedolönesc <i>Bruno, Domenico Savio</i>	19.00 Mëssa vis y def. fam. Hilda Sottara por scombate le Covid		
10.03.21 Dedemesaledema <i>Gustav, Maria Eugenia</i>	18.00 Les Staziuns <i>Incö metunse man la novëna a Sant Ojöp</i>	7.30 Mëssa dl ann + Magdalena Flatscher ++ Comploi da Framacia <i>Incö metunse man la novëna a Sant Ojöp</i>	
11.03.21 Jöbia <i>Rosina, Costantin</i>	7.30 Mëssa ++ + Teresa, Tarina y Angel Ferdigg ++ Clara Ploner, Frida y Paul Vantsch Corona por vocaziuns		
12.03.21 Vëndres <i>Nicodem, Beatrix</i>	18.30 Adoraziun chîta 19.00 Adoraziun deboriada	7.30 Mëssa ++ Vitus y Maria Marcher ++ Giovanni Campey y Aurora Ambrosini	
13.03.21 Sabeda <i>Iudita, Paulina, Leander</i>	17.30 Mëssa prefestia dl ann + Angelina Tolpei ++ + Albert, Emma y Artur Conrater + Alfred Videsott + Maria Dapunt Erlacher	19.00 Mëssa prefestia ++ Zita Daporta y Franz Pezzei, Ghestan + Nane Chiusura ++ Paul y Zita Dapoz + Luca Schuen	
14.03.2021 4ª DOMËNIA DE CARSËMA - B "Laetare!" <i>De di Seminars</i>	9.00 Corona/Staziuns 9.30 Gran Mëssa por la Comunitè dl ann + Tone Unterweger + Aristide Brivio + Maria Clara Verginer (dla Uniun) + siur Heinrich Videsott <i>Oferta por i Seminars</i>	7.55 Les Staziuns 8.15 Gran Mëssa por la Comunitè + siur Heinrich Videsott <i>Oferta por i Seminars</i>	